

სახელმწიფო შესყიდვის შესახებ

ხელშეკრულება №T-----

ქ.თბილისი

----- 2022 წელი

1. ხელშეკრულების დამდები მხარეები

ერთი მხრივ **სსიპ „გარემოს ეროვნული სააგენტო“** (შემდგომში „შემსყიდველი“), წარმოდგენილი მისი უფროსის - ----- სახით, და მეორეს მხრივ, ----- (შემდგომში „მიმწოდებელი“), წარმოდგენილი მისი დირექტორის ----- სახით, სახელმწიფო შესყიდვების შესახებ კანონისა და პრეტენდენტის სატენდერო წინადადების საფუძველზე, ელექტრონული ტენდერის შედეგების გათვალისწინებით, დებენ წინამდებარე ხელშეკრულებას შემდეგზე:

2. ხელშეკრულების საგანი

2.1 შემსყიდველმა ჩაატარა ელექტრონული ტენდერი (NAT-----) სსიპ „გარემოს ეროვნული სააგენტო“-ს კუთვნილი ატმოსფერული ჰაერის დაბინძურების მონიტორინგის 7 ერთეული ავტომატური სტაციონალური სადგურის და 1 ერთეული მობილური ავტომატური სადგურის სერვის მომსახურების (CPV50400000; 50430000) სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება, მიაწოდოს შემსყიდველს წინამდებარე ხელშეკრულებით განსაზღვრული შესყიდვის ობიექტი ----- (-----) ლარად, დღგ-ს ჩათვლით.

2.2 ხელშეკრულებით გათვალისწინებული მომსახურების გაწევის ზუსტი აღწერა და რაოდენობა მოცემულია ტექნიკური დავალებასა (დანართი №1) და ფასების ცხრილში (დანართი №2), რომელიც წარმოადგენს ხელშეკრულების განუყოფელ ნაწილს.

3. ზოგადი დებულებანი:

3.1. ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

ა) წინამდებარე ხელშეკრულება;

ბ) ტექნიკური დავალება (დანართი №1);

გ) ფასების ცხრილი (დანართი №2);

ვ) ხელშეკრულების ყველა სხვა დანართი ან/და მასში შემდგომში შეტანილი ნებისმიერი ცვლილება ან დამატება.

3.2. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას.

3.3. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

4. ხელშეკრულების ღირებულება

4.1. ხელშეკრულების ჯამური ღირებულება შეადგენს ----- (-----) ლარს, დღგ-ს ჩათვლით (შემდგომში „ხელშეკრულების ღირებულება“).

4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

4.3. მიმწოდებელი პასუხს აგებს შესყიდვის ობიექტის მიწოდებასთან დაკავშირებული ყველა იმ გადასახადის, მოსაკრებლისა და სხვა გადასახდელების გადახდაზე, რომლებიც გადასახდელია საქართველოს კანონმდებლობით.

4.4. ხელშეკრულებაში განსაზღვრული ფასის გადასინჯვა დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ამასთანავე დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა.

4.5. ფასების გადასინჯვის შესახებ ხელშეკრულების ინიციატორმა მხარემ უნდა შეატყობინოს მეორე მხარეს წერილობით, რომელიც, თავის მხრივ, უფლებამოსილია, არ დაეთანხმოს აღნიშნულ ცვლილებას.

5. მხარეთა უფლება-მოვალეობები

5.1. მიმწოდებელი ვალდებულია:

5.1.1. საკუთარი სახსრებით გაუწიოს მომსახურება „შემსყიდველს“ შესყიდვის ობიექტი ტექნიკური დავალების შესაბამისად.

5.1.2. ყოველთვიურად წინასწარ უნდა წარმოადგინოს მომსახურების კალენდარი (გეგმა-გრაფიკი) ხელშეკრულების მიხედვით განსაზღვრული სამუშაოების შესაბამისად. მიმწოდებელმა ტექნიკური მომსახურების ცვლილების თარიღი უნდა შეათანხმოს სააგენტოს „შემსყიდველს“ შესაბამის წარმომადგენელთან მინიმუმ 1 (ერთი) დღით ადრე.

5.1.3. ტექნიკური მომსახურება უნდა განხორციელდეს სამუშაო საათებში (09-18სთ) ხელშეკრულების გაფორმების დღიდან ყველა სხვა შემთხვევა წინასწარ უნდა ეცნობოს სააგენტოს „შემსყიდველს“ წარმომადგენელს.

5.1.4. თუ სააგენტოს წარმომადგენელი არ ესწრება სერვისის განხორციელებას, შემსყიდველის მოთხოვნის შემთხვევაში წარმოდგენილი უნდა იქნას სამუშაოების შესრულებასთან დაკავშირებული შესაბამისი ფოტომასალა ან/და ვიდეომასალა.

5.1.5. დროულად განიხილოს ხელშეკრულების შესრულებასთან დაკავშირებული პრობლემები.

5.2.2. მიმწოდებელი უფლებამოსილია, მოითხოვოს ანგარიშსწორება ხელშეკრულებით გათვალისწინებული ვადებისა და პირობების შესაბამისად.

5.3. შემსყიდველი ვალდებულია:

5.3.1. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება და დაიცვას ხელშეკრულებით გათვალისწინებული ყველა პირობა.

5.4. შემსყიდველი უფლებამოსილია, აწარმოოს მიწოდებული შესყიდვის ობიექტის ხარისხისა და რაოდენობის კონტროლი;

5.5. უფლებამოსილია, განაცხადოს უარი უხარისხო შესყიდვის ობიექტის მიღებაზე.

6. ხელშეკრულების შესრულების კონტროლი

6.1. მიმწოდებლის მიერ ნაკისრი ვალდებულებების შესრულების მიზნით, ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განხორციელოს კონტროლი შესყიდვის ობიექტის მიწოდების ვადებსა და მოთხოვნილ პარამეტრებზე.

6.2. მიმწოდებელი ვალდებულია, საკუთარი რესურსებით უზრუნველყოს ხელშეკრულების პირობების შესრულების კონტროლისთვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის/მათ შრომის ანაზღაურებასა და ხარჯებს უზრუნველყოფს თავად შემსყიდველი ორგანიზაცია, თუ ხელშეკრულებით სხვა რამ არ არის გათვალისწინებული.

6.3. კონტროლის განხორციელების შემთხვევაში მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებენ -----

7. შესყიდვის ობიექტის მიწოდების პირობები, ვადები და მიღება-ჩაბარების წესი

7.1. მომსახურების გაწევა განხორციელდება ხელშეკრულების გაფორმებიდან 10 (ათი) თვის განმავლობაში ტექნიკურ დავალებაში (დანართი №1) დაფიქსირებული ვადების გათვალისწინებით.

7.2. მომსახურების გაწევა უნდა განხორციელდეს სსიპ „გარემოს ეროვნული სააგენტო“-ს კუთვნილი ატმოსფერული ჰაერის დაბინძურების მონიტორინგის სადგურების განთავსების შემდეგ მისამართებზე:

1) ქ. თბილისი, აკაკი წერეთლის გამზირი №105;

2) ქ. თბილისი, ალექსანდრე ყაზბეგის გამზირი (ვ. გომიამვილის სახელობის განახლებული პარკი);

3) ქ. თბილისი, ვარკეთილი 3, პირველი მიკრორაიონი მე-2 კორპუსის მიმდებარე ტერიტორია;

4) ქ. თბილისი, დ. აღმაშენებლის გამზ. 73ა ("ილიას ბაღი");

5) ქ. რუსთავი, ბათუმის ქუჩა №19;

6) ქ. ბათუმი, აბუსერიძის ქუჩა №1;

7) ქ. ქუთაისი, ლადო ასათიანის ქუჩა №98);

8) მობილური ავტომატური სადგური (განთავსების ძირითადი ლოკაცია: ქ. თბილისი, მარშალ გელოვანის გამზირი №6).

7.3. მომსახურება უნდა ჩატარდეს სსიპ „გარემოს ეროვნული სააგენტო“-ს კუთვნილი ატმოსფერული ჰაერის დაბინძურების მონიტორინგის 7 ერთეულ ავტომატურ სტაციონალურ და 1 ერთეულ მობილურ სადგურში

განთავსებული ხელსაწყოების (აირ ანალიზატორების) მწარმოებლის ან/და მწარმოებლის უფლებამოსილი კომპანიის მიერ სერტიფიცირებული საქართველოში მყოფი სერვის ინჟინერის მიერ ან/და ატმოსფერული ჰაერის ხარისხის მონიტორინგის ავტომატური სადგურების ყოველთვიური და ყოველწლიური მომსახურების არანაკლებ 6-თვიანი გამოცდილების მქონე იურიდიული პირის მიერ, რომელსაც მომსახურების პერიოდში საქართველოს ტერიტორიაზე უნდა ჰყავდეს შესაბამისი არანაკლებ ერთი სერვის ინჟინერი, რომელიც შეძლებს წინამდებარე ტექნიკური დავალების გათვალისწინებით და ვადებში უზრუნველყოფს შესაბამისი მომსახურების გაწევას

7.4. სერვის ინჟინრის შემდგომი ცვლილება დასაშვებია მხოლოდ შემყიდველის თანხმობით, შესაბამისი დასაბუთებული შუამდგომლობის საფუძველზე და წარმოდგენილ იქნება ახალი სერვის ინჟინრის სერტიფიცირების დამადასტურებელი დოკუმენტი.

7.5. დეტალური ინფორმაცია ჩატარებული მომსახურების შესახებ ყველა ეტაპზე პრედენდენტის მიერ შეტანილი უნდა იქნას სააგენტოსთან შეთანხმებულ სპეციალურ ფორმაში;

7.6. პრეტენდენტი ვალდებულია გეგმიურ სამუშაოებს შორის გამოვლენილი ხარვეზის შემთხვევაში შემსყიდველის მიერ შეტყობინებიდან დაუყოვნებლივ (ქ. თბილისში და რუსთავეში - არაუმეტეს ერთი კალენდარული დღისა, ხოლო სხვა ადგილას არაუმეტეს - 3 კალენდარული დღისა) აღმოფხვრას პრობლემა, ან/და პრობლემის გადაუჭრელობის შემთხვევაში მიზეზისა და აღმოფხვრის საჭირო ვადების შესახებ წერილობითი შეტყობინების სახით აცნობოს შემსყიდველს.

7.7. პრედენდენტი ვალდებულია სერვისის განხორციელების დროს 7 ერთეულ ავტომატურ სტაციონალურ სადგურებსა და 1 ერთეულ მობილურ სადგურზე ტექნიკური დავალების შესაბამისად შეცვალოს ყოველწლიური მომსახურების ნაწილები (ერთწლიანი და ორწლიანი სათადარიგო ნაწილები), ასევე საჭიროების შემთხვევაში სადგურებზე უზრუნველყოს სათადარიგო ნაწილების შეცვლა, საჭირო ნაწილების მიწოდებას უზრუნველყოფს სააგენტო.

7.8. მომსახურების პერიოდის განმავლობაში იმ სათადარიგო ნაწილებზე, რომელიც შემსყიდველის მიერ იქნება მოწოდებული ან/და სადგურზე არსებულ სხვა ნაწილებზე აღმოჩენილი ხარვეზის/დაზიანების აღმოჩენის შემთხვევაში, მიმწოდებელი ვალდებულია უზრუნველყოს ხარვეზის მქონე ნაწილის შესახებ შემსყიდველისათვის ინფორმაციის დაუყოვნებლივ მიწოდება.

7.9. მიმწოდებელი ვალდებულია სადგურებზე სერვისის სამუშაოების დასრულების შემდეგ, უზრუნველყოს სადგურის შიდა სივრცეში სისუფთავის დაცვა.

7.10. მომსახურების გაწევა უნდა განხორციელდეს სსიპ „გარემოს ეროვნული სააგენტო“-ს წარმომადგენლების კოორდინაციით, ხოლო სამუშაოებზე დასწრებასთან დაკავშირებით გადაწყვეტილებას იღებს შემსყიდველი.

7.11. შესყიდვის ობიექტის (ან მისი ეტაპის) მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ ფაქტობრივად მიწოდებული შესყიდვის ობიექტის შესაბამისად, მიღება-ჩაბარების აქტის გაფორმებით.

7.12. შემსყიდველის მხრიდან ხელშეკრულებით გათვალისწინებულ მიღება-ჩაბარების აქტ(ებ)ზე ხელმოწერა პირს წარმოადგენს -----

8. ანგარიშსწორება

8.1. ანგარიშსწორება განხორციელდება ეროვნულ ვალუტაში - ლარებში, უნაღდო წესით მიმწოდებლის საბანკო ანგარიშზე.

8.2. მიმწოდებელი ვალდებულია არაუგვიანეს 2022 წლის 20 დეკემბრისა წარუდგინოს სახელშეკრულებო ღირებულების ფარგლებში აუთენსიკებული თანხის 100%-ის ოდენობის საბანკო გარანტია (გარანტია წარმოდგენილი უნდა იყოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახური“-ს მიერ ლიცენზირებული სადაზღვევო კომპანიიდან), რომლის თანახმადაც გარანტიის გამცემი თანახმაა პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე არაუგვიანეს 10 (ათი) საბანკო დღის ვადაში აანაზღაუროს შემსყიდველის მიერ მოთხოვნილი თანხა, გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს მომსახურების გაწევის დასრულების ვადას.

8.3. მიმწოდებელმა ავანსის თანხები უნდა გამოიყენოს მხოლოდ ამ შესყიდვასთან დაკავშირებული ვალდებულებების შესასრულებლად.

8.4. მიმწოდებელთან ანგარიშსწორება განხორციელდება ეტაპობრივად, ფაქტიურად გაწეულ მომსახურებაზე მხარეებს შორის გაფორმებული მიღება-ჩაბარების აქტ(ებ)ისა და შესაბამისი საგადასახადო დოკუმენტაციის წარმოდგენის საფუძველზე ან წინამდებარე ხელშეკრულების 8.1. და 8.2 პუნქტებით გათვალისწინებული პირობების დადგომისას ამ პინქტით გათვალისწინებული პირობების შესაბამისად.

8.5. სახელმწიფო შესყიდვის დაფინანსების წყარო: *სსიპ გარემოს ეროვნული სააგენტოს 2022 წლის საკუთარი სახსრები.*

9. საგარანტიო პირობები

მიმწოდებელი ვალდებულია მომსახურეობა განახორციელოს ამ სადგურებისათვის დადგენილი სტანდარტების შესაბამისად, ხარისხიანად და უხარვეზოდ. თუ მიმწოდებლის მიერ განხორციელებული მომსახურეობა აღმოჩნდა ხარვეზიანი ან სტანდარტების შეუსაბამო ან/და გამოიწვია სადგურის სხვა ნაწილის/კომპონენტის/ხელსაწყო დაზიანება მიმწოდებელი ვალდებულია აღმოფხვრას შესაბამისი ზიანი საკუთარი ხარჯებით გონივრულ ვადაში არაუმეტეს 60 კალენდარული დღისა, სირთულის მიხედვით.

10. ხელშეკრულების შესრულების უზრუნველყოფის საბანკო გარანტია

10.1. ხელშეკრულების შესრულების უზრუნველყოფის მიზნით გამოიყენება ----- მიერ 2022 წლის -----
- გაცემული №----- გარანტია, საგარანტიო თანხით ----- (-----) ლარი, მოქმედების ვადა 202---- წლის ----- ჩათვლით.

10.2. მიმწოდებლის მიერ შემსყიდველისათვის წარდგენილი, ხელშეკრულების შესრულების უზრუნველყოფის უპირობო საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიაღებება შემსყიდველს მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების შედეგად, აგრეთვე, შემსყიდველის მიერ მიმწოდებლისათვის დაკისრებული პირგასამტეხლოს ანაზღაურებისა და ხელშეკრულებით გათვალისწინებულ სხვა შემთხვევებში.

10.3. მიმწოდებლის მიერ ხელშეკრულებით ნაკისრი ვალდებულებების სრულად შესრულებისა და შემსყიდველის მიერ ამ შესრულების მიღების შემდეგ, შემსყიდველი ვალდებულია, დაუბრუნოს მიმწოდებელს ამ მუხლის პირველი პუნქტით განსაზღვრული ხელშეკრულების შესრულების უზრუნველყოფის საბანკო გარანტია.

10.4. მიმწოდებლის მიერ ხელშეკრულების შეწყვეტის შემთხვევაში, შემსყიდველს მიერ ამოქმედდება ამ მუხლის პირველ პუნქტში განსაზღვრული ხელშეკრულების შესრულების უზრუნველყოფის საბანკო გარანტია სრული ოდენობით.

10.5. შემსყიდველის მიერ, ხელშეკრულების მე-12 მუხლის 1-ლი პუნქტით გათვალისწინებულ შემთხვევებში, ხელშეკრულების ცალმხრივად შეწყვეტისას შემსყიდველი უფლებამოსილია, ამოქმედოს ამ მუხლის პირველ პუნქტში განსაზღვრული ხელშეკრულების შესრულების უზრუნველყოფის საბანკო გარანტია სრული ოდენობით. ამ შემთხვევაში ხელშეკრულების შესრულების უზრუნველყოფის საბანკო გარანტიის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურების ვალდებულებისაგან.

10.6. მიმწოდებლისაგან დამოუკიდებელი მიზეზების გამო, კერძოდ, ხელშეკრულების მე-11 მუხლით გათვალისწინებული ფორს-მაჟორული გარემოებების გამო, ხელშეკრულების შეწყვეტის შემთხვევაში შემსყიდველი ვალდებულია, მიმწოდებლის მოთხოვნისთანავე დაუბრუნოს მას ამ მუხლის პირველი პუნქტით განსაზღვრული ხელშეკრულების შესრულების უზრუნველყოფის გარანტია.

10.7. შემსყიდველის მიერ ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია, უზრუნველყოს ამ მუხლის პირველი პუნქტში განსაზღვრული ხელშეკრულების შესრულების უზრუნველყოფის საბანკო გარანტიის ვადის გაგრძელება და შემსყიდველს წარუდგინოს აღნიშნულის დამადასტურებელი დოკუმენტი (ცვლილება/ახალი საბანკო გარანტია).

11. ფორს-მაჟორი

11.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან ვალდებულებების შეუსრულებლობა არის ფორს-მაჟორული გარემოებების შედეგი;

11.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული მხარეების შეცდომასა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

11.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. მხარეთა პასუხისმგებლობა ხელშეკრულების პირობების შეუსრულებლობისას

12.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მხარეები პასუხს აგებენ საქართველოს მოქმედი კანონმდებლობის შესაბამისად.

12.2. ხელშეკრულების პირობების არაჯეროვანი ან/და ვადაგადაცილებით შესრულების შემთხვევაში, მხარეს დაეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით.

12.3. ხელშეკრულების პირობების შეუსრულებლობისათვის მიმწოდებელს დაეკისრება პირგასამტეხლო ხელშეკრულების საერთო ღირებულების 10% ოდენობით.

12.4. ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

12.5. ზემოაღნიშნული პირგასამტეხლოების გადახდა მოხდება მიმწოდებლისთვის ასანაზღაურებელი თანხიდან გამოქვითვის საშუალებით ან მის მიერ ამ თანხის გადახდით შემსყიდველის წერილობითი მოთხოვნის მიღებიდან 5 (ხუთი) სამუშაო დღის განმავლობაში.

12.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12.7. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

13. ხელშეკრულების შეწყვეტა მისი პირობების შეუსრულებლობა

13.1. ხელშეკრულების მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

13.1.1. ხელშეკრულების შეწყვეტა ხდება ურთიერთშეთანხმების გაფორმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად შეწყვეტის შესაძლებლობა, რომლის შესახებ წერილობით უნდა ეცნობოს მხარეს.

13.1.2. ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

13.1.3. ხელშეკრულების ცალკეული პირობის მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.2. შემსყიდველი უფლებამოსილია შეწყვიტოს ხელშეკრულება, თუ:

13.2.1. მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია უზრუნველყოს მომსახურების მიწოდება;

13.2.2. მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

13.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

13.2.4. მიმწოდებლის მიმართ მიმდინარეობს გადახდისუუნარობის საქმის წარმოება;

13.2.5. საქართველოს კანონმდებლობით გათვალისწინებულ სხვა შემთხვევებში. მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი. ასეთი შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება;

13.2.6. მიმწოდებლის ქონებას დაედო ყადაღა და თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების პირობების შესრულებაზე;

13.2.7. მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების პირობების შესრულებაზე.

13.2.8. წინამდებარე ხელშეკრულების 8.2 და 10.7 პუნქტებით განსაზღვრული მოთხოვნების შეუსრულებლობის შემთხვევაში.

13.2.8. სახელშეკრულებო ღირებულების ფარგლებში აუთვისებელი თანხის 100%-ის ოდენობის საბანკო გარანტის 2022 წლის 20 დეკემბრის ვადაში წარმოუდგენლობის შემთხვევაში შემსყიდველი უფლებამოსილია შეწყვიტოს ხელშეკრულება.

14. დავა და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი ნებისმიერი დავა ან უთანხმოება შესაძლებელია, გადაწყდეს ორივე მხარის ერთობლივი მოლაპარაკების საფუძველზე.

14.2. ასეთი მოლაპარაკების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 202--- წლის ----
-----ჩათვლით, ხოლო საგარანტიო პირობებთან დაკავშირებული ხელშეკრულების მუხლები მოქმედებს საგარანტიო ვადით.

16. დასკვნითი დებულებანი

16.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

16.2. ხელშეკრულება შედგენილია ელექტრონულად ქართულ ენაზე, რომლის ყოველი ელექტრონული ეგზემპლარი ორიგინალია. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაში შედის მხოლოდ მისი წერილობით გაფორმებისა და მხარეთა მიერ ხელმოწერის მომენტიდან.

17. მხარეთა რეკვიზიტები: